

Kiâⁿ Sélé lôháneh ê Síbông

(Mk 6:14~29; Lk 9:7~9)

14 Hit sí, Galílaiah ê thóngtī chiá Helót ông thiaⁿ tiòh Iésu ê miâsiaⁿ, 2 tòh kā i ê pōhā kóng, “Chitê lâng tòh sī kiâⁿ sélé lôháneh, i tùi sîlâng tiong koh oáh khílâi, sói, i chiaⁿ ũ kiâⁿ chiaⁿê sînjiah ê lênglêk.”

3 Íchêng Helót bat liáh lôháneh, ēng liân'á kā i liân khílâi, koh kā i koaiⁿ lòh kaⁿ gák. Helót ē áⁿne chò, sī inūi beh hō i ê siótī Huilppò ê bó Helótiah hoaⁿhí. 4 Inūi lôháneh bat putsī kā Helót tiongkò, kóng, “Lí bô engkai chiàm chitê chabó láng lâi chò bó.” 5 Helót púnlâi sī ài beh kā i sathāi, m̄ koh kiaⁿ jînbîn, inūi in lóng siūⁿ kóng lôháneh sī SiōngChú ê tãigiânjîn.

6 Tī Helót chò seⁿjít hit kang, Helótiah ê chabó kiáⁿ tī lâipin ê bīnchêng thiàubú, hō Helót huisiông hoaⁿhí. 7 Inūi áⁿne, Helót tòh tùi i chiùchōa kóng, “Bôlūn lí iaukiú siáⁿmih, góa lóng beh hō lí!”

8 I hō in lāubú sáilōng, tòh iaukiú kóng, “Chhiáⁿ kā kiâⁿ sélé lôháneh ê thâukhak hē tī pōaⁿnih, phâng lâi hō góa!”

9 Ông chin iubūn, m̄ koh, inūi i íkeng tī lâipin bīnchêng ũ chiùchōa, sói, i tòh bēnglêng láng chiàu chitê chabó gín'á ê iaukiú khì chò. 10 I phài chit ê láng khì kaⁿgák chám lôháneh ê thâu, 11 koh kā lôháneh ê thâukhak khng tī pōaⁿnih, sàng lâi hō chabó gín'á, chabó gín'á tòh phâng khì hō in lāubú. 12 Lôháneh ê buntô tòh lâi siu i ê sinsi, koh kā i báichòng, jiânāu khì kā Iésu pòkò só hoatseng ê tãichì.

Iésu hō Gō Chheng Lâng Chiáh kah

Pá (Mk 6:30~44; Lk 9:10~17; Jh 6:1~14)

13 Iésu thiaⁿ tiòh chit hāng tãichì, tòh chē chún līkhui hia, kakī chit ê khì phianphiah ê sóchāi. Kúnchiong thiaⁿ tiòh siausit, tòh līkhui in ê siáⁿchhī, kiâⁿlō tòi l khì. 14 Iésu chitê lòh chún, khòⁿ tiòh

行洗禮約翰 ê 死亡

(可 6:14~29; 路 9:7~9)

14 Hit 時, 加利利 ê 統治者希律王聽 tiòh 耶穌 ê 名聲, 2 tòh kā 伊 ê 部下 講:「Chitê 人 tòh 是行洗禮約翰, 伊 tùi 死人 中 koh 活起來, 所以, 伊 chiaⁿ 有行 chiaⁿê 神 跡 ê 能力。」

3 以前希律 bat 掠約翰, 用鏈 á kā 伊鏈起 來, koh kā 伊關落監獄。希律 ē áⁿne 做, 是 因為 beh hō 伊 ê 小弟腓力 ê bó 希羅底歡喜。4 因為約翰 bat 不時 kā 希律忠告, 講:「你無應 該佔 chitê chabó 人來做 bó。」5 希律本來想 beh kā 伊殺害, m̄ koh 驚人民, 因為 in lóng 想講約翰是上主 ê 代言人。

6 Tī 希律做生日 hit 工, 希羅底 ê chabó kiáⁿ tī 來賓 ê 面前跳舞, hō 希律非常歡喜。7 因為 áⁿne, 希律 tòh 對她咒 chōa 講:「無論你要求 啥物, 我 lóng beh hō 你!」

8 她 hō in 老母使弄, tòh 要求講:「請 kā 行 洗禮約翰 ê 頭殼 hē tī 盤裡, phâng 來 hō 我!」

9 王真憂悶, m̄ koh, 因為伊已經 tī 來賓面 前有咒 chōa, 所以, 伊 tòh 命令人照 chitê chabó gín'á ê 要求去做。10 伊派一個人去監獄 斬約翰 ê 頭, 11 koh kā 約翰 ê 頭殼 khng tī 盤 裡, 送來 hō chabó gín'á, chabó gín'á tòh phâng 去 hō in 老母。12 約翰 ê 門徒 tòh 來收 伊 ê 身屍, koh kā 伊埋葬, 然後去 kā 耶穌報 告所發生 ê tãichì。

耶穌 hō 五千人食 kah 飽

(可 6:30~44; 路 9:10~17; 約 6:1~14)

13 耶穌聽 tiòh chit 項 tãichì, tòh 坐船離開 hia, kakī 一个去偏僻 ê 所在。群眾聽 tiòh 消息, tòh 離開 in ê 城市, 行路 tòi 祂去。14 耶 穌一下落船, 看 tiòh hiah 大陣人, tòh 憐憫 in, 醫好 in 中間有病 ê 人。

hiah tōa tīn lāng, tòh liānbín in, i hó in tiongkan ū pēⁿ ê lāng.

15 Behàm'á ê sī, bûntô lâi kâ l kóng, “Chia sī chin phianphiah ê sóchāi. Sīkan mā bô chá à, chhiáⁿ káisàn cheng lāng, thang hō in kakī khì chngthâu bé chiahmih.”

16 Iésu hôetap kóng, “In m̄ bián līkhui, lín tiòh siathoat hō in chiáh.”

17 Bûntô tui l kóng, “Lán chia kantaⁿ ū gō tiâu mīpau kah nng bóa hī niāniā.”

18 Iésu kâ in kóng, “Lín thèh lâi hō Góa.” 19 Iésu tòh kiò cheng lāng chē tī chháupó, jiānāu thèh hit gō tiâu mīpau kah nng bóa hī khí lâi, giáh bák òng thiⁿ lâi kámsiā SiōngChú siúⁿsù chiahê chiáhmiⁿ. Jiānāu, l tòh kâ mīpau peh chò chit tē chit tē, thèh hō bûntô, bûntô tòh pun hō cheng lāng. 20 Cheng lāng lóng chiáh kah pá liáuāu, bûntô kâ chiáh chhun ê siuchip khí lâi, chóngkiōng ū chapjī nā móamóa. 21 Chiahê lāng, chabó lāng kah gín'á bô sng, tãiiok ū gō chheng lāng.

Iésu Kiâⁿ Chúibīn

(Mk 6:45~52; Ih 6:15~21)

22 Iésu sūisī kiò bûntô chē chún tāseng kòekhì hit pêng hōaⁿ, l kakī lâu tī hia lâi káisàn cheng lāng. 23 I sàng cheng lāng trngkhì liáuāu, tòh kakī chit ê chiūⁿ soaⁿ kító. Thiⁿ íkeng àm à, kantaⁿ l chit ê iáu tī hia. 24 Hit sī, bûntô só chē ê chún íkeng khì kàu ô ê tiongng, inūi chìnⁿhong, soah hō hongéng phah lâi phah khì.

25 Thiⁿ phú kng ê sī, Iésu kiâⁿ chúibīn lâi kàu in hia. 26 Bûntô chitē khòaⁿ tiòh l tī chúibīn teh kiâⁿ, tòh kiaⁿ kah phihphih choah, tōa siaⁿ hoah kóng, “Kúi lâi loh!”

27 Iésu tòh sūisī kâ in kóng, “Lín hòngsim, sī Góa! M̄ bián kiaⁿ!”

28 Peteloh òn l kóng, “Chú ah, nā sitchāi sī Lí, tòh

15 Beh 暗 á ê 時，門徒來 kâ 祂講：「 Chia 是真偏僻 ê 所在。時間 mā 無早 à，請解散眾人，thang hō in kakī 去庄頭買食物。」

16 耶穌回答講：「 In m̄免離開，lín tiòh 設法 hō in 食。」

17 門徒對祂講：「咱 chia kantaⁿ 有五條麵包 kah 兩尾魚 niāniā。」

18 耶穌 kâ in 講：「 Lín thèh 來 hō我。」 19 耶穌 tòh 叫眾人坐 tī 草埔，然後 thèh hit 五條麵包 kah 兩尾魚起來，giáh 目 òng 天來感謝上主賞賜 chiahê 食物。然後，祂 tòh kâ 麵包 peh 做一塊一塊，thèh hō 門徒，門徒 tòh pun hō 眾人。 20 眾人 lóng 食 kah 飽了後，門徒 kâ 食 chhun ê 收集起來，總共有十二籃滿滿。 21 Chiahê 人，chabó 人 kah gín'á 無算，大約有五千人。

耶穌行水面

(可 6:45~52；約 6:15~21)

22 耶穌隨時叫門徒坐船 tã 先過去 hit pêng 岸，祂 kakī 留 tī hia 來解散眾人。 23 祂送眾人 trng 去了後，tòh kakī 一个 chiūⁿ 山祈禱。天已經暗 à，kantaⁿ 祂一个 iáu tī hia。 24 Hit 時，門徒所坐 ê 船已經去到湖 ê 中央，因為 chìnⁿ 風，soah hō 風湧 phah 來 phah 去。

25 天 phú 光 ê 時，耶穌行水面來到 in hia。 26 門徒一下看 tiòh 祂 tī 水面 teh 行，tòh 驚 kah phihphih choah，大聲 hoah 講：「鬼來 loh！」

27 耶穌 tòh 隨時 kâ in 講：「 Lín 放心，是我！M̄免驚！」

28 彼得應祂講：「主 ah，若實在是祢，tòh

bēnglēng góa kiâⁿ chúibīn khì kàu Lí hia.”

29 Iésu kóng, “Lâi!” Peteloh tòh tùi chûn lòh khì, khaisí kiâⁿ chúibīn beh khì Iésu hia. 30 M̄ koh, i chitē khòaⁿ tiòh hong hiahnih kiông , tòh khí kiaⁿhiâⁿ , kiôngkiông beh tīm lòhkhì. I tōa siaⁿ hoah kóng, “Chú ah, kiù miā oh!”

31 Iésu sūisí chhun chhiú kâ i khiú leh, tùi i kóng, “Lí ná ē chiahnih bô sìn̄sim! Lí sī ánhóaⁿ teh giâuŋí?”

32 In n̄ng lāng peh khíli chûnténg liáuāu , hong tòh pēngchēng. 33 Tī chûn nih ê bûntô phak lòhkhì kèngpài I, kóng, “Lí chinchìàⁿ sī SiōngChú ê Kiáⁿ!”

Iésu tī Genesáliát I Hó Pēⁿlāng

(Mk 6:53~56)

34 In íkeng tō kòe ô, tòh tī Genesáliát chiūⁿliók. 35 Hit tēkhu ê lāng chitē jīnchhut I sī Iésu , tòh chhe lāng khì hit hùkīn ê ták sóchāi, chhōa sōū ê pēⁿlāng lái Iésu hia. 36 In kiú Iésu chíchíó hō pēⁿlāng bong I ê saⁿ’áki ê chhiu; sōū bong tiòh ê lāng, in ê pēⁿ lóng hó khì.

命令我行水面去到祢 hia 。

29 耶穌講：「來！」彼得 tòh tùi 船落去，開始行水面 beh 去耶穌 hia。 30 M̄ koh，伊一下看 tiòh 風 hiahnih 強，tòh 起驚惶，強強 beh 沉落去。伊大聲 hoah 講：「主 ah，救命 oh！」

31 耶穌隨時伸手 kâ 伊 khiú leh，對伊講：「你 ná ē chiahnih 無信心！你是 án 怎 teh 僥疑？」

32 In 兩人 peh 起 ò 船頂了後，風 tòh 平靜。 33 Tī 船裡 ê 門徒 phak 落去敬拜祂，講：「祢真正是上主 ê Kiáⁿ！」

耶穌 tī 革尼撒勒醫好病人

(可 6:53~56)

34 In 已經渡過湖，tòh tī 革尼撒勒 chiūⁿ 陸。 35 Hit 地區 ê 人一下認出祂是耶穌，tòh 差人去 hit 附近 ê ták 所在，chhōa 所有 ê 病人來耶穌 hia。 36 In 求耶穌至少 hō 病人摸祂 ê 衫 á 裾 ê 鬚；所有摸 tiòh ê 人，in ê 病 lóng 好去。